



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CCXXXV. Albrecht und Werner Bockmast, Gebrüder, verkaufen dem Kloster Diesdorf das Dorf Wiewohl, am 27. September 1404.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

CCXXXIV. Albert und Werner Bockmaß, Gebrüder, verkaufen einen Hof zu Kortenberg an das Kloster Diesdorf, am 25. Mai 1402.

We albert vnde werner, brodere, gheheten de Bucmaften, Bekennet openbare myt dessem breue, vor allesweme, dat we hebben vorcoft vnde laten to enem rechten eruen cope hern ludelue verdemanne, vorstendere to distorpe, ver alheyde van dem knesbeke, priorinen, vnde der ghanzen sampnighe darfulues vnde besunderen Elseben Bucmaften, vnser medderen, vnde Beaten van dem knesbeke vnser hoff to kortenbeke, dar kutzeke vppe woned —. Alle desse vorcreuene stücke de loue we albert vnde werner, brodere, gheheten de bucmasten, den vorbenomden hern ludelue verdemanne, ver alheyde van dem knesbeke vnde der ghanzen sampnighe tu distorpe vnde besunderen Elseben Bucmaften vnde beaten van dem knesbeke, Ichte we dessen breff hefft myt oreme willen, in guden truwen myd ener samenden hand Stede, vast vnde vvorbroken tuholdene, sunder allerleye arghelift ichte hulperede, vnde hebben des to bewisinghe vnse Inghefeghele witliken vnde myt gudem willen ghehenghet laten an dessen breff, de gheuen is Na godis bord verteynhundert Jar, darna in dem anderen Jare, in des hilghen lichames daghe.

CCXXXV. Albrecht und Werner Bockmaß, Gebrüder, verkaufen dem Kloster Diesdorf das Dorf Wiewohl, am 27. September 1404.

We albrecht vnde werner, brodere, beyde gheheten Bocmaften, we bekennet openbar in dessem breue, dat we hebben vorkoft vnde laten tu enem rechten erue kope Hern ludelue verdemane, vorstendere, vor alheide van dem knesbeke, priorinen, vnde der gantzen samninghe des closters tu distorpe vse dorp tu winwale mit allerleyge tubehoringhe an holte, an velde, an wyfchen vnde an weyde, mit dem richte vnde vnrichte, mit besettinghe vnde entsettinghe, alz id vs vse vader eruet hed, vor negentich lubische mark, de vs tu danke bered sin —. Tu merer wyssenheit su sette we en vse vrunt: we hermen sporke, Hans appel vnde Bertram haselhorst, borgen, wy bekennet, dat we louet vor alberde vnde wernere vnde mit en den ynumden hern ludelue verdemann, vor alheiden van deme knisbeke vnde der gantzen samninghe tu distorpe vnde alle eren nakomelinghen alle desse vorcreuenen stücke in truwen mit ener samenden hant stede vnde vast tu holdene, ane allerleyge argelift, vnde hebbet des tu tughe vnde tu orkunde vse Ingellegele beyde, sakewolden vnde borgen, alle vornumd, witliken vnde mit willen ghehenghet laten an dessen openen brif, de gheuen is na godes bort verteynhundert iar in deme verden iare, In sunte Cosmus vnde damianus dage, der hilghen mertelere.